

Melaka: Bakal menyaingi Terengganu apabila purata antara 400 hingga 500 penyu karah direkodkan mendarat dan bertelur di pantai Melaka sepanjang tahun lalu.

Malah kelibat penyu karah semakin kerap dilihat bertelur di Pantai Padang Kemunting, Masjid Tanah di sini, membabitkan 100 pendaratan haiwan dilindungi itu sepanjang 2021.

Susulan itu World Wildlife Fund-Malaysia (WWF-Malaysia) merayu kerajaan negeri segeraewartakan pantai Padang Kemunting sebagai pantai santuari sebagai pembantu mengekalkan penyu karah.

Pengurus Konservasi Penyu Semenanjung WWF-Malaysia, Lau Min Min berkata, langkah berkenaan penting bagi mengelakkan penyu yang sering naik ke pantai berkenaan untuk bertelur pupus akibat kegiatan mengambil telur penyu oleh pihak tidak bertanggungjawab.

Selain itu, ia juga bertujuan memastikan penyu karah tetap memilih pantai berkenaan sebagai lokasi untuk bertelur, katanya.

Dia berkata, dengan peewartaan itu pelancong hanya dibenarkan berkelah di pantai berkenaan pada waktu siang dan tiada sesiapa dibenarkan berada di pantai itu pada waktu malam bagi memastikan penyu bebas naik dari laut untuk bertelur," katanya.

Selain itu, WWF-Malaysia juga merayu Majlis Perbandaran Alor Gajah (MPAG) bekerjasama dengan Tenaga Nasional Berhad (TNB) untuk menukar lampu jalan sedia ada kepada lampu jalan mesra penyu.

Katanya, lampu berkenaan membabitkan kos yang tinggi kerana perlu diim-



PENYU karah dilepaskan ke laut di pantai Padang Kemunting, dekat Masjid Tanah. - Gambar NSTP/HASSAN OMAR

4/11/2022 ms: 16

500 penyu karah mendarat, bertelur di pantai Melaka

port berikutan ketiadaan syarikat tempatan yang mengeluarkannya.

"Lampu ini terpaksa diimport berikutan lampu konvensional sedia ada milik MPAG terlalu terang dan menakutkan penyu naik ke darat untuk bertelur," katanya.

Dia berkata, langkah itu juga sejajar usaha menjadikan Pantai Padang Kemunting sebagai Kampung Mesra Penyu kerana kawasan itu adalah satu daripada lokasi pendaratan utama penyu karah.

Katanya, purata antara 400 hingga 500 sarang penyu karah dicatatkan di negeri ini setahun dan Pusat Konservasi dan Penerangan Penyu (PKPP) di Padang Kemunting yang beroperasi sejak lebih 10 tahun lalu membantu mengekalkan penyu karah.

Dia berkata, Pantai Padang Kemunting menyum-



PETUGAS di PKPP Padang Kemunting menanam telur penyu di PKPP, Padang Kemunting dekat Masjid Tanah.

bang 25 hingga 30 peratus daripada keseluruhan pendaratan di negeri ini.

Kedua-dua cadangan itu bertujuan memastikan penyu karah tidak pupus berikutan amaran Senarai Merah oleh International Union for Conservation of Nature (IUCN) berpangkalan di Switzerland yang menyenaraikan penyu berke-

naan sebagai haiwan marin yang bakal pupus jika tiada usaha memuliharanya.

Selain pantai Padang Kemunting, pantai lain di negeri ini yang mencatatkan jumlah sarang penyu karah tinggi ialah Kem Terendak di Sungai Udang dan Tanjung Dahan, Tanjung Serai serta Meriam Patah di Kuala Sungai Baru, dekat sini.